



Tilleggsinnkalling

av

Heradsstyret

Møtedato: 11.04.2018

Møtestad: Osterøy rådhus - heradsstyresalen

Møtetid: 16.00 - 22.00

Eventuelle forfall må meldast til Bente Skjerping per tlf. 56192100, sms til eller per epost til bente.skjerping@osteroy.kommune.no

Varamedlemmer møter berre etter nærare avtale.

Sakliste

Saknr	Tittel
041/18	Interpellasjon til heradsstyremøtet 11. april - rettleiing for byggjeskikk og estetikk
042/18	Interpellasjon til heradsstyremøtet 11. april - heliumballongfri kommune
043/18	Interpellasjon til heradsstyremøtet 11. april - handlingsplan mot vald i nære relasjonar

11. april 2018

Jarle Skeidsvoll
ordfører

Bente Skjerping
sekretær

SAKSPAPIR

Saksnr	Utval	Type	Dato
041/18	Heradsstyret	PS	11.04.2018

Saksbehandlar	ArkivsakID
Bente Skjerping	18/752

Interpellasjon til heradsstyremøtet 11. april - rettleiing for byggjeskikk og estetikk Frå Jørgen Varden, AP

Vedlegg:

Rettleiing for byggjeskikk og estetikk mars 2018

retninglinerbyggjeskikk

Rådmannen sitt framlegg til vedtak:

Saksopplysningar:

Saksopplysningar:

Bakgrunn

Interpellasjon frå representanten Jørgen Varden, AP

«Framlegg om å få utarbeidd rettleiing for byggjeskikk i Osterøy kommune.

Føremål:

Få retningsliner som hjelpemiddel i kommunen sitt skjønn etter plan- og bygningslova for å sikra høg kvalitet på utforminga av omgjevnadene våre. Få ei felles forståing av korleis ein skal ivareta byggjeskikk og estetikk i det einskilde byggjetiltak.

Bakgrunn:

Byggjesaka i Mjeldalen syner at det er behov for ei felles referanseramme for kva som skal leggjast vekt på med omsyn til byggjeskikk og estetikk under planlegging og politisk handsaming av byggjesaker.

Kort historikk.

- Byggjeskikk og estetikk går heilt tilbake til ein lovparagraf frå 1924, men vart eit ålmennt tema utover på 1990-talet. Lovreforma i 1995-97 gav eit klårere heimelsgrunnlag for estetikk i byggjesaker. Kommunane sin ryggdekning for skjønnsutøving om estetikk og problemstillingar knytta til byggjeskikk i byggjesaker vart styrka. Etter årtusenskiftet har fokuset på estetikk og byggjeskikk vore i stendig utvikling.
- Første stortingsmeldinga om byggjepolitikk kom i 2012 (Melding St. 28 (2011-2012)).
- Byggjeskikknøkkelen kom i 2013.
- På Regjeringen.no finn ein samanfattande artikkel om Byggeskikk og områdeutforming, sist redigert 11.12.2014.
- På same nettstad artikkel om Byggeskikk og estetikk, sist oppdatert 19.02.2018
- Staten oppmodar kommunane til å utarbeida rettleiing for byggjeskikk tilpassa lokale forhold på grunnlag av Byggjeskikknøkkelen. Statlege føringar gjeld generelt i høve til bustadbygging, offentlege bygg, næringsbygg og hytter, og vil såleis omfatta tettstadutvikling, nye byggjefelt, område med tradisjonsbygg m.v.

Byggjeskikknøkkelen er et oppslagsverk for planlegging og sakshandsaming ved byggjesaker. Nøkkelen inneheld også ein estetikkrettleiar til hjelp for skjønnsvurdering.

Det er ønskjeleg at rådmannen syter for å utvikla rettleiing for byggjeskikk og estetikk for byggjesakshandsaming i Osterøy.

Inntil rettleiinga ligg føre er det ønskjeleg at byggjesaker i saksutgreiinga vert opplyst med fakta og vurderingar med tilvising til Byggjeskikknøkkelen.»

Ordføraren gav slikt svar:

«Framlegg til retningsliner for byggjeskikk og estetikk vart handsama i Utval for natur i møtet 16.11.2002 og det vart då gjort slikt samrøystes vedtak: «Hovudutval natur rår til at framlegg til retningsliner for estetikk og byggjeskikk til bruk i planlegging og sakshandsaming som lista opp under FAKTA vert teke inn i kommunenplanen. Rådmannen får fullmakt til å gjera den endelege utforminga.

Nytt punkt om skilt og reklame vert teke med i retningslinene.»

Utskrift av sak 152/02 ligg ved.

Retningslinene vart i samsvar med dette innarbeidde i kommuneplanen – arealdelen, 2011 - 2023.

Etter at kommuneplaen vart vedteken i 2011 er det som Jørgen Varden skriv m.a. kome ei Stortingsmelding om byggjeskikk og det er laga ein byggjeskikksnøkkel, og det vil difor vera naturleg å oppdatera kommunen sine retningsliner på bakgrunn av dette. Dette må ein koma tilbake til i samband med rullering av kommuneplanen sin arealdel, eit arbeid som skal startast opp når ny samfunnsplan er handsama og vedteken.

Inntil oppdatert rettleiing ligg føre, vil administrasjonen leggja vekt på at saksutgreiingar i byggesaker vert opplyst med fakta og vurderingar med tilvising til Byggjeskikksnøkkel.

Konklusjon

SAKSPAPIR

Saksnr	Utval	Type	Dato
042/18	Heradsstyret	PS	11.04.2018

Saksbehandlar	ArkivsakID
Bente Skjerping	18/759

Interpellasjon til heradsstyremøtet 11. april - heliumballongfri kommune Frå Jon Flydal Blichfeldt, MDG

Vedlegg:

Interpellasjon frå Miljøpartiet Dei Grøne Osterøy april 2018 - heliumballongfri kommune

Rådmannen sitt framlegg til vedtak:

Saksopplysningar:

Saksopplysningar:

Bakgrunn

Interpellasjon frå representanten Jon Flydal Blichfeldt, MDG:

Ordførar:

«Heliumballongfri kommune

Helium er eit viktig grunnstoff som utvinnast i samband med gassproduksjon.

I dei fleste gassreservar er det berre ein liten andel helium.

I tillegg til å bruke helium i ballongar for underhaldning, er det ein viktig gass for mellom anna forskning og på sjukehus til bruk til nedkjøling av i MR-skannere (magnetresonanstomografi) som er ein livsviktig ressurs for å lokalisere/finnasjukdommar.

Det er eit grunnstoff det ikkje er mykje av på jorda, og som difor som kan tømmast på et par generasjonar med det forbruket ein har i dag. (Det tek fleire millionar år for naturen å danne helium.) Salet av heliumsballongar er ikkje regulert.

Bergen kommune har innført forbod i år og dette kan vera med til å auke presset på omkringliggjande kommunar.

Kva tenkjer ordføraren å gjere med utfordringa me har med heliumsressursene?

Forslag til vedtak:

1. Osterøy kommune forbyr gatesal av heliumsballongar i kommunen med verknad frå 17.mai 2018.

2. Kommunestyret ber ordføraren oppmode lag, foreiningar, restaurantar og utsalstader til å unngå bruk av heliumsballongar i samband med si verksemd.»

Ordføraren gav slikt svar:

Ordføraren er samd med interpellanten i at helium er ein avgrensa naturressurs og at den difor bør nyttast på viktige oppgåver i samfunnet. Heliumballongar er og ei kjelde til forsøpling ved at dei vert mista/sleppte, driv og landar tilfeldig.

Miljødirektoratet har på spørsmål frå Bergen kommune opplyst at det ikkje er aktuelt med eit nasjonalt forbod mot sal av heliumsballongar. Byrådet i Bergen har etter dette foreslått forbod mot sal av heliumsballongar på kommunal grunn. Ein ser ikkje at eit slikt forbod vil vera føremålstenleg på

Osterøy, då dette berre vil ramma ein svært liten del av salet.

Heradsstyret kan i staden oppmoda om at det ikkje vert gitt løyve til sal av heliumsballongar ved offentlege arrangement på Osterøy, som til dømes ved torgdagar, 17. mai og bygdedagar og andre liknande arrangement. Denne oppmodinga må då gå til frivillige lag og organisasjonar i kommunen, i samsvar med punkt 2 i framlegg til vedtak i interpellasjonen. For arrangement i kommunal regi vert det ikkje gitt løyve til sal av heliumballongar.

Konklusjon

SAKSPAPIR

Saksnr	Utval	Type	Dato
043/18	Heradsstyret	PS	11.04.2018

Saksbehandlar	ArkivsakID
Bente Skjerping	18/762

Interpellasjon til heradsstyremøtet 11. april - handlingsplan mot vald i nære relasjonar Frå Tone Mjelde, AP

Vedlegg:

Handlingsplan mot vald i nære relasjonar

Rådmannen sitt framlegg til vedtak:

Saksopplysningar:

Saksopplysningar:

Bakgrunn

Interpellasjon frå representanten Tone Mjelde, AP:

Ordførar:

«Handlingsplan mot vald i nære relasjonar

Vald i nære relasjonar, også kalla partnarvald eller familievald, er eit stort samfunnsproblem i verda. Men også i Noreg og også på Osterøy. Det finns ulike typar vald; Fysisk vald, psykisk vald, seksuell vald, materiell vald, økonomisk vald, sosial vald, latent vald og oppdragarvald.

Dersom ein som barn opplever vald i nære relasjonar, enten ved at ein sjølv blir utsatt eller at ein ser nokon av sine nære bli utsatt, innebærer det eit brot i barna sin grunnleggande trygghet i forhold til sine omsorgspersonar. Det betyr at barna ikkje kan søke trygghet hjå sine omsorgspersonar for å meistre ein skremmande oppleving, fordi det er nettopp omsorgspersonane som gjer livet skremmande. Barn er særleg sårbare og tidlege erfaringar i barnet sitt liv dannar grunnlag for korleis barnet oppfattar seg sjølv, forholdt seg til andre og forstår verda rundt seg. Forsking viser at vald og

overgrep er svært skadeleg for barn, faktisk så skadeleg at det forandrar barnehjernen og får konsekvensar for vaksenlivet til barnet.

Det er mange diagnosar hjå barn som kan settast i samanheng med å ha opplevd vald; tilknytningsvanskar, angstlidelsar, depresjon, åtferdsvanskar, PTSD. Forsking visar også at negative barndomsopplevingar aukar risikoen for psykiske vanskar i vaksen alder, og også somatiske sjukdommar, som hjerte/kar-lidelser, kreft, kroniske lungesjukdommar, overvekt og type 2 diabetes. Dersom ein som barn opplever å bli utsatt for vald eller overgrep i oppveksten har ein større risiko for å også oppleve vald og overgrep i vaksen alder. Statestikk viser at av barna som vart utsatt for alvorleg vald av foreldra, var det 1 av 4 som opplevde alvorleg partnervald som vaksen. Til samanlikning er tala 1 av 15 for dei som ikkje har opplevd vald frå foreldra sine, som barn.

Og kva er omfanget? Kor mange barn og unge opplever vald av sine nære?

Ei undersøking NOVA gjorde i 2016 seier 21 prosent, altså ein av fem, av norske ungdommar at dei har opplevd fysisk vald frå minst ein av foreldra i løpet av oppveksten. 6 prosent av desse ungdommane hadde blitt utsatt for grov vald frå foreldra sine. 8 prosent har opplevd vold mellom foreldra, noko som forskning viser er like skadeleg som å sjølv vera involvert. Både mor og far er like ofte valdsutøvarer. Det er estimert at ca 5-15 spedbarn blir alvorleg skada av det såkalte «Shaken Baby Syndrome» kvart år i Noreg, om lag fem av desse dør av desse skadane. Når det gjeld seksuell vald, rapporterer 5% av norske kvinner at dei har blitt valdtaken før fylte 18 år. 1 av 5 norske kvinner har blitt utsatt for ein form for seksuelt overgrep før fylte 18 år. Hjå menn er talla 1 av 10.

Vald i nære relasjonar er ikkje ein privatsak, men eit samfunnsproblem. Det betyr at me som kommune må ta inn over oss omfanget og ikkje minst ha gode rutinar og ein plan for dette arbeidet. Så langt har berre ein av to kommunar ein handlingsplan mot vald i nære relasjonar. Osterøy Kommune er ein av dei som manglar ein slik plan.

Eg arbeider i Familiens Hus og veit at det blir gjort mykje i kommunen for desse barna og desse familiane. Eg veit også at mange tilsette i kommunen tek sitt ansvar på alvor og melder ifrå ved mistanke om vald og overgrep. Det handlar ikkje om at kommunen vår ikkje gjer eit godt arbeid når det gjeld vald og overgrep, men det å ikkje ha ein plan aukar sårbarheita vår. Ein plan skal sikre samordna, tverrfagleg og ein heilskapleg innsats mot vald i nære relasjonar. For det me gjer dersom me har mistanke om, eller ved førebygging av vald, skal ikkje vera opp til kvar enkelt eller vera tilfeldig. Det skal ikkje vera tilfeldig om du får hjelp dersom du som barn fortel om vald på Hosanger Skule eller på Haus Skule eller tilfeldig kva råd du får når du spør jordmora om råd i høve det å leve i eit valdeleg forhold. Konsekvensane er for store for tilfeldigheter. Det handlar om barn, menneske

og liv. Og det handlar om Osterøy si framtid.

Osterøy Arbeiderparti ynskjer ein orientering om kvar kommunen i dag står i arbeidet med ein handlingsplan mot vald i nære relasjonar og ynskjer at heradsstyret vedtek følgjande:

«Osterøy Heradsstyre oppfordrar administrasjonen til å prioritere arbeidet med ein handlingsplan mot vald i nære relasjonar høgt og at heradsstyret jamleg får informasjon om framdrifta i planarbeidet.»

Ordføraren gav slikt svar:

I gjeldane planstrategi for 2016 – 2020 (vedteken 05.10.2016) er temaplan mot vald teken inn planlagt oppstart i 2017. Planarbeidet er så langt ikkje starta opp. Som interpellanten viser til, vert det likevel gjort mykje godt arbeid i kommunen innan dette saksfeltet. Dersom dersom det er ynskeleg med eit meir utfyllande svar, må ein få koma tilbake til dette i neste møte. Ein kan få fram rådmannen og sektoren si vurdering av korleis ein kan sikra ei god oppfølging av dette saksfeltet framover.

Konklusjon